

“Hoba A nyolohele lehodimong  
o neile batho dineo.”



*Bopaki ba Mor. William Branham ba botho  
ka ha ho tla ha neo eo*





Mor. William Marrion Branham



# “Hoba A nyolohele lehodimong o neile batho dineo.”

Mabapi le ho tla ha neo ena ya phodiso, nka o phetela feela ho ya kamoo boiphihlelo bona bo ttileng ho nna kateng. Ke tumelo ya ka e tiileng e tshepehang hore dineo di rerilwe ke Modimo. Ba bangata ha ba dumele boitherelong pele, empa le mangolo a paka hore diketsahalo tse ngata tsa Bibele di reretswe ka kgalalelo. Mohlala, tswalo ya Kreste e rerilwe haesale ho tloha Tshimong ya Edene. Mme dilemo tse ka bang 712 pele ho ho tla ha Johanne Mokolobetsi, Esaia o mmone le ho bua ka yena e le lenseswe la ya howang felleng. Moporofeta Jeremia o boletse hore pele a boptjwa popelong ya mmae, Modimo o mo tsebile le ho mmea moporofeta hodima ditjhaba. Ke dumela hore boitherelo-pele bo na le kabelo mabapi le neo ena mmoho le lebakeng lena hape: Ke ne ke se na motheo wa borapedi. Batswadi ba ka e le ba ditumelo tse fapaneng mme ka baka leo, ke ne ke sa tsamaye kereke.

Kgetlo la pele moo ke ileng ka ba le lesedi lefe kapa lefe hore bokamoso bo mphupareletseng ke ne nka ba dilemo tse supileng, ke sa tswa kena sekolo karolong ya dipolasi dimaele tse mmalwa leboya ho Jeffersonville, Indiana, moo ntate wa ka e neng e le mokganni wa poraefete ya lefshwang bakeng sa lelapa le ruileng. Ke nnile ka rata ho tshwasa dihlapi le ho tsoma ka nako tsohle...ekasitana le tshokoloho ya ka ha e ya ka ya nkamoha hona...mme thapameng eo ya Lwetswe ba bang ba bashanyana ba ne ba theohetse letsheng le tletseng dihlapi ho ya tshwasa, ha nna ke loketse ho kgella ntate wa ka metsi. Ke ikwahlaya ho o bolella hore na metsi a ne a ilo sebedisetswang. Ntate waka o ne a enwa haholo, mme nakong ena ba ne ba ritela wiski, kahoo ke ne ke loketse ho kga metsi ho a isa

metjhining ena ya ho rathola, e neng e tla matha bosiung boo. Ke ne ke theosa tselaneng, ka beha dinkgonyana tsa ka tsa sirapa fatshe mme ka dula fatshe tlasa sefate ho phomola metsotswana e mmalwa, ke lla hobane ke ne nke ke ka ya tshwasa dihlapi mmoho le bashanya ba bang. Ha ke ntse ke dutse moo pela sefate, ntho e nngwe eo nke keng ka e lebala ya etsahala. Ha bonahala eka, ho ne ho ena le modumo wa moyo o fokang hara mahlaku, empa, ha ke lelala, ha ke a ka ka bona mahlaku a sisinyehang leha e le sesupo sa moyo. Ka dula ke sa sisinyehe, ke hloletswe le ho ipotsa hore lerata le hlaha kae, eitse ha ke le utlwa hape, kahoo ka nka dinkgo tsa ka mme ka qalella ho nyoloha tselaneng eo. Kgetlong lena la tla hape, haholwanyane ho feta pele, mme yare ha ke tadima morao ho bona hore ho etsahetseng, ka lemoha hore sebakeng se ka bang halofong ya sefate hodimo ha bonahala eka ho na le setsokotsane, moo ho ileng ha hlaha lenseswe le hlakileng le bua mantswe ana: "O se ke wa leka wa tsuba, wa nwa, kapa ho silafatsa mmele wa hao ka mokgwa ofe, kapa ofe hoba ho tla ba le mosebetsi oo o tllang ho o etsa ha o hola." Ka tshoha hoo ke sa kang ka tseba hore na ke etseng. Ke hweletsa ke mathela tlung, ka itihela matsohong a mme wa ka, ya ileng a hopola hore ke lonngwe ke noha. Ka mmolella hore ke mpa ke tshohile, ka hoo a nthobatsa moalong mme o ne a tla bitsa ngaka, a lekanya hore ke methapo ya letshoho. Jwale, metswalle, ke a lemoha hore batho ba bangata ba tla soma ka pale ena, empa nke se be le boikarabelo ka seo ba bang ba se buang...Ke na le boikarabelo feela bakeng sa boiphihlelo ba ka. Ha ho hlakahale hore ke bolele, ha ke a ka ka hlola ke feta sefateng seo hape. Ke ne ke ye ke kgelohelo tlase lehlakoreng le leng la tshingwana ho se qoba, hobane ke ne ke hopola hore ho na le monna hodimo sefateng seo. Mme le jwale ke sa dumela hore ho ne ho ena le motho sefateng seo. E ne e le lengeloi la Modimo, mme dilemong tse latelang moo, ka kopana le lona sefahleho le sefahleho mme ka bua le yena.

Dibeke tse mmalwa morao ho moo, ke ne ke bapala dimabole le moena ka, ha maikutlo a makatsang a mphihlela. Ka nyebella fatshe pela sefate, mme, yaka ke maidi-iding a pono, ka bona ho hlaha sepape se seholo mme se parola noka, mme ka lebella nakong eo batho ba mmalwa ba welang ka nokeng le ho kgangwa ke metsi. Ha ke iphumana, ka matha le ho bolella mme waka, mme hape-hape a etsa qeto ya hore ke ngwana ya tshwerweng ke dinerefe. Dilemo tse mashome a mabedi a metso e mmedi ho tloha nakong eo, borogo ba Masepala bo ile ba hahuwa ho parola Noka ya Ohio, mme yona palo eo ya banna ba sebetsang ba kgangwa, ba wela borogong. O a bona, dintho tsena ha di a ka tsa tla ka thapelo kapa takatso, empa di reretswe-pele thatong e halalelang ya Modimo.

Ketsahalo e latelang ya mofuta wona e ile ya tla tsatsi le leng ha ke ne ke eya nokeng mmoho le ntate waka le monna e mong. Ba ne ba ile ba mpha wiski ho nwa, mme ka hobane ke ne ke batla ho fumana mohau monneng enwa hore a tle a ntumelle ho sebedisa mokorwana wa hae, ka qala ho nka seno. Empa ka ho otloloha jwalokaha ke bua kajeno, ka utlwa modumo oo jwaloka ho budulwa ha mahlaku. Ha ke sheba kwana le kwana, mme ke sa bone mahlaku kapa sesupo sa moyo, ka isa botlolo hape melomong ya ka, yaba ke utlwa lerata lona leo, le mpa le le leholwanyane. Ka tshwarwa ke tshabo jwaleka pele; ka lahla botlolo le ho baleha, nakong eo ntate wa ka ka sebele a mpitsang mmisi. Oh, ka mokgwa oo seo se neng se nkutlwisa bohloko! Moraonyana ho moo, ke ile ka bitswa mmisi ke kgarejana ya ka ya mothepa ha ke e bolella hore ha ke tsube. Hoba ke tlale mosito ke ditshomo tsa hae, ka nka sakrete mme ke ne ke ilo se tsuba leha ho le jwalo, ha hape ke ne ke ahlolwa ke modumo oo o tlwaelehileng, o baka hore ke lahlele sakrete fatshe mme ke tlohe sebakeng seo ke lla hobane ke ne ke sa kgone ho tshwana le bathwana ba bang ba batjha, nakong eo ditlatse tsa letshwele di neng di lla ditsebeng tsa ka. Tsena ke tse

ding tsa dintho tse mmalwa tsa tse ngata tse jwalo tse ileng tsa etsahala bophelong hohle ho tla jwalo. Kamehla ho ne ho ena le maikutlo ao a sa tlwaelehang jwalokaha eka motho e mong o eme pela ka, a leka ho mpolella se seng, mme haholo-holo ha ke ne ke le mong. Ho ne ho bonahala ho se motho ya nkutlwisisang ho hang. Bashanyana bao ke neng ke tla tsamaya le bona ba ne ba sa batle ho kena-kenana le nna hobane ke ne ke sa batle ho tsuba kapa ho nwa, mme metheda yohle e ne e tsamaya ditantshi, tseo ke neng ke sa batle ho nka seabo ho tsona hape, mme bophelong bohole ha bonahala eka ke nku e ntsho feela, ke sa tsebe motho ya neng a ka nkutlwisia, mme le hona ke sa ikutlwisise. Empa ke ne ke sa tsebe nakong eo hore bokamoso bo boholo bo tshwereng jwaloka ha ke tseba jwale.

Ketsahalo ya bohlokwa e latelang eo ke e hopolang e tilie nakong eo ke neng nka ba dilemo tsa ho atamela leshome le metso e robong. Ke ne ke ntse ke itsamaela hara sebaka moo ho neng ho tshwerwe mokete wa boithabiso bosiu bo bong le bashanyana ba bang, ha lentswe le bitsa, "Haee, wena! Tloo mona!" Ha ke reteleha, ka bona mosetsana ya motjha a dutse tlasa tente, molepi wa dinaledi. A nqhwaya hore ke tle ho yena, mme, ka ho lekanya hore o batla hore ke mo etsetse ho hong, ka mamela. A re, "Ke re, na o a tseba hore o hlahile tlasa sesupo mme ho na le naledi e o latelang? O tswetswe ka neo." Ehlide, bashanyana ba qala ho nqholotsa ka 'ho ba le neo', ka hoo ka leka ho e qhela ka polelo e itseng ho mosetsana, ya ileng a mpolella hore leha ke mo thibela ho mpolella seo, tsatsi le leng ke tla utlwisia seo a neng a se bolela. Ka leka ho sutumeletsa dinthro tsena morao-rao mohopolong wa ka, ke sebetsa mesebetsing e fapaneng, ke sa kgotsofale le ka mohla, ke tloha sebakeng se seng ho ya ho se seng, ka lokela ho sotleha ke lefu la mosadi wa ka le lesea, mmoho le matshwenyeho a mang a mangata a neng a batla a fetisa ao pelo ya motho e ka a jarang. Ka batla kgotso le kgotsofalo nthong e nngwe le e nngwe e ka

hopolehang, empa ho bonahala eka ho na le sebaka se ka bang di-inchi tse leshome hodima kgopo ya bohlano ya mmele wa motho seo le ka mohla se ke keng sa tlala pele Kreste a kena ka hare. Mme ntle le ditlokotsi tsa ka ka sebele, kamehla ho ne ho ena le boikutlo boo ba ntho e neng e oka-okakela hodima ka, e tlatselsetsa maqakabetsi a ka. Qetellong, lerato la ka tlhahong la ntlietsa mosebetsi wa mohlokomedi wa diphooftolo naheng ya Indiana, o neng o nkisa dikarolong tse fapaneng tsa na ha.

Ka letsatsi le leng ke ne ke eme beseng e petetsaneng ho ya Henryville, Indiana, mme, hoba ke utlwe eka motho e mong o ntadimile, ka retolohela pareng ya mahlo a boputswa ba setala, ao e neng e le diruiwa tsa mothepe o neng o tadimeha o babatseha. A re ho nna, "O bodutu, na ha ho jwalo?"

"Tjhe, mofumahadi," Ka arabela ke ntse ke tadimile ka fensetere ntle, ke hopola hore o ile a hohelwa ke yunifomo mme o batla ho qoqa feela.

A bua hape, "Mohlomong ho ka ba molemo ha nka itlhalosa. Ke molepi wa dinaledi."

"Tjhe," ka nahana, "Nka mpa ka hla ka mamela hore na o reng."

"O tlamehile hore ebe o hanela sena, na ha ho jwalo?"

"Ee mofumahadi, ho jwalo."

"O hopola hore ke batla ho qoqa le wena ka borapedi, na ha ho jwalo?"

"Ha ke tsebe."

"O modumedi, na ho o yena?"

"Tjhe mofumahadi."

"Mohlomong nka o bolella se seng ka wena. O hlaha bophirimela na ha ho jwalo?" a mpotsa.

"Tjhe mofumahadi."

"Etblaba o batla ho ya bophirimela."

"Oh ke hantle, hoo ho fapane. Ka nako tsohle ke nnile ka batla ho ya bophirima," Ka arabela, ka nahana hore ke mo dumelle ho tswella ka ho bua le ho e bapisa le seo molepi e mong a ileng a se bolela.

"Lebaka la seo ke tswalo ya hao," a tswella.

"O tsebang ka tswalo ya ka?" ka botsa ka tjheseho.

"Mohlankana, ha nka o bolella hantle motsotso oo o tswetsweng ka wona, na o tla nkogwala?"

"Ke hantle, ke motho ya dumelang thuto ya motheo, mme haeba motho a mpolella nnete, ke loketse ho e dumela," ka arabela. Mme ke sa dumela hore—haeba ke nnete, ke nnete.

Tjhe jwale, se mpotse hore na o ile a ho etsa jwang, empa a mpolella wona motsotso oo ke hlahileng ka wona. Kamorao ho nna ho ne ho ena le mosesisi ya motjha ya neng aeme, mme ka mmotsa hore na a ka mmolella nako eo a tswetsweng ka yona. A re a ke se kgone, mme, kaha ke ne ke sa utlwisise hona, ka botsa hore hobaneng a kgonne ho mpolella le hona a sa kgone ho mmolella. A bolela hore ke hobane ho na le pontsho e ntatelang...mme pelo yaka ya tepella, hobane e ile ya kgutlisetsa hape mohopolo o motjha ka ha seo ba bang ba ileng ba mpolella sona. A botsa hore na ho kile ha eba le molepi wa dinaledi ya kileng a bua le nna pele, mme ka mmolella hore tjhe, ke thetsa mosadi enwa.

"Na o tseba ho itseng ka Jesu Kreste?" a botsa.

"Ke a tseba hore e ne e loketse hoba mora Modimo," ya batla e le pheto seo ke neng nka se bua.

"Na o tseba ho itseng ka moo a ileng a hlahah...Ke eng e ileng ya tla mo kgumamela pele?"

"Banna ba bohlale ba bararo, haeba ke hopola hantle."

"Ba ne ba latela eng?" a nna a tswella.

"Naledi, ke a kgolwa."

"Ke nnete. Mrme ba ne ba loketse hore ebe e ne e le balepi ba dinaledi, hobane ba ne ba lebella dinaledi," a tiisa. "Mohlankana, ke buile le banna Tlung e Tshweu. Ka hlokomedisa Tonakgolo Harding pele ka lefu la hae le makatsang, mme ke na le ho hong hoo nka buang le wena ka hona. O hlahetse tlasa naledi e itseng ho ba monna ya nang le neo. Na ho bile le moruti ya kileng a o bolella seo?"

"Ha ke na kamano efe kapa efe le baruti," ka arabela.

"Jwale he mmamele. Ha Jesu Kreste a ne a hlaha, ho ile ha eba le banna ba bohlale ba bararo ho hlaha Botjhabela ba latetseng hoo ka tlwaelo ho bitswang naledi, empa hantle-ntle ho bile dinaledi tse tharo tse kopaneng Bethlehem, mme hoba di kopane, tsa bopa naledi e le nngwe e ileng ya lopalla hodima Kreste. Nakong eo, Modimo o ile a romela Mpho e kgolo ka ho fetisa eo A kileng a e nea lefatshe, Mora wa Hae ya tswetsweng a inotshi. Yare ha banna ba bararo ba tsamaya, dinaledi tseo tse tharo tsa arohana mme ha di eso ka ba di kopana mmoho haesale. Modimo ka dinako tsohle o bonahatsa mesebetsi ya Hae mahodimong pele A e bontsha lefatsheng, mme banna bana ba bohlale ba ne ba shebile boporofeta ba moporofeta Baalame hore naledi e tswa ho Jakobo," a tswella, a ntsha mangolo a mangata ao ke neng ke sa a tsebe, empa ka mamela ka hloko ha a ntse a tswella. "Jwale dinaledi tsena ha di eso ka di kopana mmoho hape, empa dilemong tse ding le tse ding tse mmalwa di fapana metjheng ya tsona, mme ha sena se etsahala se bontsha hoo tlotsong ya tswalo ya Jesu, ho ba le neo e nngwe e romelwang hape lefatsheng. Mme ha o ne o hlaha, dinaledi tsena di ile tsa fapana. Ho ne ho ena le naledi e o latelang ha o ne o palama beseng Jeffersonville; ke ile ka bona naledi hodima hao, mme ha ke utlwisise hore hobaneng ba bang ba sa ka ba o bolella ka yona pele jwale."

*Esere mohlolomong e mong a hloke ho utlwisia hantle, hamorao ke tla bontsha hore tshebediso ya bolepi ba dinaledi ha e mangolong mme ehlide ha e sebakeng sa Mokreste ho bapala ka yona (Esaia 47:13-14) mme peho ena ya molepi enwa kaha naledi ya Kreste ke tlhaloso ya hae, mme ha e fumanwe mangolong. Empa le hona ho mangolong hore esita le Satane a pake neo ya Modimo, mme leo ke lebaka la ka la ho phetha meqoqo ena.*

Nakong eo, o ka nahana hore na ke ne ke ikutlwa jwang. Hoba ke finyelle moo ke yang, ka leboha mosadi mme ka tswa beseng, empa ke sa kgone ho qhela maikutlo a makatsang a neng a nkoka-okela hodimo ho tswella, a bake hore ke be le dinerefe le ho nkeha, soto hara batho, leha ke ne ke tshaba ho ba mong, le ho tshaba nako le nako ha moyo o foka. "Hoo hohle ho ne ho bolelang?" Ka ipotsa kgafetsa-kgafetsa. Nakwana morao ho moo ka sokoloha mme ka nea Kreste bophelo ba ka. (Ke ngotse seketjhe se se kgutshwane sa bophelo ba ka bukaneng e nyenyane e bitswang "Jesu Kreste Yena Maobane, Kajeno le Kahosafeleng.") Kamora tshokoloho ya ka e ileng ya etsahala ka hara lephephe le nyenyane ka morao ho ntlo ya rona, ka nkana le mofuta wa kereke ya Baptisi mme ka ba moholo wa lehae, ha ke se ke tlotsitswe ke Ngaka Roy Davis wa Jeffersonville. Kamora tsoseletso ya tente e atlehileng moo, ba nkahela tabernakele, eo le jwale e sa leng Diterateng tsa bo-8 le bo-10, e tsejwang ka Tabernakele ya Branham, mme ka dilemo tse mmalwa ka ba moruti ya atlehileng, ke tswa kolobetsa dikete tse mmalwa tsa batho mmoho le ho bona ditshokolo tse ngata tlottisong ya Modimo o matlaohle. Esita le nakong eo ke bile le katileho ho rapelleng bakudi, leha ke ne ntse ke sa tsebe hore na ke eng, mme ka makgetlo a mangata dipono mmoho le dintho tse ngata tse makatsang di ntlele, tseo dipalo tsa batho ho potoloha Jeffersonville ba ka di tiisang. Ka nako e nngwe ka ho kgetholoha moo nka bolelang: Ke ne ke le sebakeng se itseng

Nokeng ya Ohio, ke kolobetsa palo e kgolo ya batho ba sokolohileng, pontsheng ya letshwele le leholo la batho ba neng ba bokane lebopong ho bona tshebeletso ena. E ne e le thapama e futhumetseng, mme moo nakong eo mahodimo eka koporo, naledi e kgolo e phatsimang ya tla le ho lopalla hodima moo ke neng ke eme. Bongata ba lona bo tla hopola ha bo ne bo bala ka sena dikoranteng. E hlahile makgetlo a mangata ho tloha nakong eo. Nakong e nngwe e fetileng ke ne ke le motseng o moholo bakeng sa tshebeletso ya masiu a mararo, hara makgolo-kgolo a batho. Wa pele eo ke ileng ka mo rapella ebile ngwana e monyenyan, eo maoto a hae a neng a hulehile ke polio, e bake hore a tlamehe ho tsamaya ka ditshetshekwanne. Ka tlwaelo ka dikopanong tsa rona, phutheho e ne e dutse ka dihloho tse inamisitsweng ka hlompho kaha ke ne ke nkile moshanyana matsohong a ka mme ke mo rapella, ha ho ne ho bonahala eka lesedi le kganyang le kgantshedsitswe ho nna. Ka makalla ho kgohlalahala ha kastodiane ho ka mponesa ka totjhe e kgolo, mme ha ke bula mahlo a ka ka makalo, ke moo ka pela ka ho ne ho eme naledi ya meso! Ka nyahlatsa moshanyana e monyenyan, kapa e leng hore o ile a qhoma matsohong a ka... Ha ke a ka ka tseba hore na ho etsahetseng, hobane ho ile ha bonahala eka mothapo o mong le o mong mmeleng wa ka o shwele bohatsu. Eitse ha a hata maoto a hae a boela setlwaeding, mme kgetlong la pele bophelong ba hae a tsamaya ka tlhaho ho tloha sefaleng. Letshwele le ile la hwereana; mmae a akgeha; ngwanana wa Monazarene, eo e neng e le motswalle wa ngwana enwa, o ne a letsa piano, "Ngaka E Kgolo," mme eitse ha a bona mohlolo o entsweng ke Morena rona ya ratehang Jesu, a qhomela hodimo mme a mathela hojana maoto a ka bang leshome le metso e mehlano ho tloha pianong, matsoho a hae a phahame, a lla le ho hweletsa... mme ke a tseba ho utlwahala ho sa kgolwehe, empa makgolo-kgolo a ka tiisa sena... piano eo ha e ya ka ya fosa leha e le noto feela, empa ya nna ya tswella ho letsa sefela seo. Dintho tse kgolo tse ngata tsa etsahala. Batho ba fetang makgolo a supileng ba nea

Kreste dipelo tsa bona bosiung boo. Bongata ba lona batho ba neng ba le moo bo tla bala sena. . . Modimo a le hlohonolofatse. Ke sa ntse ke leka ho etsetsa Kreste sohle seo nka se kgonang.

Jwale ka mokgwa wa tlhaloso mabapi le potso e yeng e hlahe kgafetsa. Baruti ba bangata ba nnile ba mpotsa, "Moena Branham, o nahangan ka bolepi ba dinaledi? Na o etsa hoo ka matla a dinaledi, mme ha ho se jwalo, hobaneng o nea balepi bao ba dinaledi tlota pontsheng ka ho porofeta ka hoo?" Seo nka se bolelang feela ka sena: mpolelle sebaka se le seng lefatsheng moo matla a bolepi ba dinaledi a fodisang bakudi. Baleping bohole ba dinaledi, dinohe, maselamose, j.j. bao lefatshe le ba tsebileng, mpolelle moo e mong a kileng a tutubolla mahlo a sefofu, a etsa hore setholo se utlwe kapa semumu ho bua. Ho na le mokgwa o le mong feela. . . ka lebitso la Jesu Kreste le madi a Hae a tsholohileng Kalvari. Empa se makatsang tjena ho nna, (matsatsing a fetileng jwalo le kajeno hape,) ke dintlhla tse tshwanang le tse latelang: nakong eo Mpho e neng e robetse sejelong, baprista ba ne ba le ka tempeleng ba phehisana hore na ho na le tsoho ya bafu kapa tjhe, mme nakong yona eo, sehlopha sa banna ba bohlale sa tla ho tswa hole-hole mme ba lemoha Neo ya Modimo ho lefatshe. Ruri, ke bolela hore bolepi ba dinaledi ke ba matla a mang, empa esitana le matemonia a loketse ho paka ka tsa neo ya Modimo. A banna bao ba bohlale ebe mang kapa mang kapa seo feela ba neng ba le sona. . . ba ile ba paka neo ya Modimo mme ba tla ho mo kgumamela pele baprista ka tempeleng ba etsa. Hape nakong eo Paulosi le Silase ba neng ba le Fillipi, mme baprista le baruti ba motse ba ne ba ba bitsa baikaketsi mme ba laela hore ba kenngwe teronkong, senohe se seng se itseng se senyenyanane sa howa se bolella batho hore banna bao ke baromuwa ba Modimo ho ba bontsha tsela ya poloko. Na ha ho makatse hore lekgoba lena le lenyenyanane la ngwanana, le ena le moyo o mobe, le ile la lemoha matla a Modimo ka ho Paulosi le Silase, ha balaodi ba ne ba sa ba amohele. Na ho ne ho sa makatse hore, lekgatheng

le leng, ha bongata bo ne bo bolela hore Jesu ke Belzebule, matemong a ile a howa ka monneng mme a bolela hore a tseba hore na Yena e ne e le mang... matemona a paka kgalalelo ya Hae, mme Bafarisi ba re E ne e le diabolosi. Mme le jwale ho jwalo kajeno, hore bongata bo belaela le ho qhwebeshana ka bo bona ka dithuto le menahano, mme ba hanela batho ho ya dikopanong tsa phodiso, nakong eo neo ya Modimo ya kgalalelo e ntseng e sebetsa lefatsheng hohle mme bongata ba bona bo sa e lemohe. Oho, baruti! Ke tshepa hore Modimo o tla le tsosa. Eseng hobane ke entswe mojari wa neo ena; ha ke na seabo sefe feela ho tleng ha yona... Modimo o e rometse. Ha bana ba Israele ba ne ba le tlase Egepeta ba fehellwa molopolli, Modimo a romela lengeloi la Hae ho Moshe. Moshe o ne a se na seabo ka hona... ebile lengeloi la Modimo le entseng mosebetsi, ho sebetsa mehlolo. Moshe e ne e le feela molomo wa lengeloi la Modimo; mme ke phetho seo ke leng sona kajeno... molomo wa lengeloi feela.

Ke tlamehile ho o phetela ka ha lengeloi mmoho le ho tla ha Neo. Le ka mohla nke ke ka lebala nako eo, Motsheanong, 7, 1946... nako e ntle haholo ya selemo Indiana, moo ke neng ke ntse ke sebetsa jwaloka mohlokemedi wa diphoofolo. Ke ne ke ile ka tla lapeng bakeng sa tinare, mme ke ne ke potela feela ka ntlo ke tlamolla sethunya sa ka, ha motswalle wa ka ya ratehang haholo a etla ho nna mme a nkopa hore ke ye mmoho le yena Madison thapameng eo. Ka mmolella hore ho ka se kgonahale kaha ke ne ke loketse ho hlahloba, mme yare ke sa potela ka ntlo tlasa sefate sa mapole, ha bonahala eka bokahodimo bohole ba sefate bo a wela. Ha bonahala eka ntho e itseng e theohela fatshe hara sefate seo jwaloka moyo o fokang ka sefefo... ka thekesela... ba mmathela... mosadi wa ka a tswa tlung, a tshohile, mme a mpotsa hore molato ke eng. Ka leka ho itshwara, ka dula fatshe mme ka mmolella hore kamora dilemo tsena tse mashome a mabedi le metso e mekae-kae ke kgathatswa ke maikutlo ana a mohlolo, nako e tlile eo ke tlamehileng ho fumana

hore na e ne e le eng, kapa nke se hhole ke kgutla hape. Tlokotsi e fihlile. Ka sadisa yena le ngwanaka hantle, mme ka mo hlokomedisa hore ha ke sa kgutle matsatsing a mmalwa, a se mpatile ho hang. Mme mona, mmadi ya ratehang, ke karolo ya boiphihlelo bona bo mohlolo bo nang le kabelo phodisong ya hao, kahoo bala o le thapeleng le ka tlhokomelo. Thapameng eo ka tloha ho ya sebakeng se sephiring ho rapela le ho bala Bibele ya ka. Ka rapela ka mefehelo; ha bonahala eka moyo wa ka wohle o tla kgaoha ho nna. Ka lla pela Modimo...ka lebisa sefahleho sa ka fatshe. Ka lelala hodimo ho Modimo mme ka lla, "Ha o ka ntshwarela ka ho ya ka moo ke entseng ka teng, ke tla leka ho sebetsa hantle ho feta...ke maswabi ha ke bile bohlaswa hakaalo dilemong tsena ho etseng mosebetsi oo o neng o batlile hore ke o etse...ana o tla bua le nna ka tsela e itseng, Modimo? Haeba o sa nthuse, nka se tswelle." Yare ha e se e le bosiu, ho batlile ho ba hora ya bo-leshome le motso o mong, ke se ke tlohetse ho rapela mme ke ne ke dutse nakong eo ke lemohang lesedi le panya-panya ka phaposing. Kaha ke ne ke nahana hore motho o tla ka totjhe e kgolo, ka sheba ntle ka fensetere, empa ho ne ho se motho, mme eitse ha ke tadima morao, lesedi le ne le jalehile fulurung, le ntse le hola. Jwale ke a tseba hore sena se bonahala se makatsa ho wena, jwaloka ha le nna se ile sa etsa ho nna, empa hopola, phodiso ya hao e itshetlehile hodima hore na o a e dumela kapa tjhe, jwalokaha o tla bona hammamorao. Ha lesedi le ntse le jaleha, ehlile ka hlollwa haholo mme ka tloha setulong, empa eitse ha ke sheba hodimo, ke moo ho lopalelse naledi eo e kgolo. Homme, e ne e se na dintlha tse hlano jwaloka naledi, empa e shebahala jwaloka kganare ya mollo kapa lesedi, le tjhabetse fatshe fulurung. Nakong eo ka utlwa motho a tsamaya fulurung, ho ile ha mmakatsa hape, kaha ke ne ke sa tsebe motho ya ka tlang moo ntle le nna. Jwale, ka ho tsamaya hara lesedi, ka bona maoto a monna a tsamaella ho nna, jwalokaha o ka tsamaya o etla ho nna ka tlwaelo. A shebahala ekaba monna eo, boimeng

ba batho, a ka ba boima ba diponto tse ka bang makgolo a mabedi, a apere seaparo se sesweu se selelele, a ena le sefahleho se boreledi, ho se ditedu, empa ka moriri o lefifi o theoha ho fihla mahetleng a hae, a mpa a le lebala le lefifi, ka ponahalo e tletseng kgotso ya sefahleho, mme ha a atamela, mahlo a hae a kopana le a ka, mme ka ho bona kamoo ke neng ke tshohile, a qala ho bua. "Se tshohe. Ke romilwe ho tswa pela sefahleho sa Modimo o Matlawohle ho o bolella hore bophelo ba hao bo mohlolo le mekgwa ya hao e sa utlwisiseheng ebile ho bontsha hore Modimo o o rometse ho isa neo ya phodiso ya moyo bathong ba lefatshe. HA O KA TSHEPAHALA, MME WA KGONA HO ETSA HORE BATHO BA O DUMELE, HA HO LETHO LE TLANG HO EMA KA PELA THAPELO YA HAO, EKASITANA LE KANKERE." Mantswe a ka se hlahose hore ke ile ka ikutlwa jwang. A mpolella dintho tse ngata tseo ke se nang sebaka mona ho di ngola. A mpolella kamoo ke tlang ho kgona ho hlahloba malwetse ka dithothomelo letsohong la ka. A tsamaya, empa ke nnile ka mmona makgetlo a mangata ho tloha moo. O iponahaditse ho nna, mohlomong hang kapa habedi nakong ya dikgwedi tse tsheletseng mme o ile a bua le nna. Makgetlong a mmalwa o ile a ithhahisa phatlalatsta pontsheng ya ba bang. Ha ke tsebe hore na ke mang, ke tseba feela hore ke lenqosa la Modimo ho nna.

Ha ho hlokahale hore ke bolele, ka qala ho rapella batho ba kulang. Ha ke ipolele ho nka sebaka sa ngaka...ke nahana hore Modimo o beile dingaka mona ho thusa tlhaho, empa ke batho feela...Modimo o matlaohle. Dintho tse kgolo tse ileng tsa etsahala nakong ya dikgwedi tsena tse mashome a mabedi le motso o le mong di ngata haholo ho ka ngoleha le ka mohla, empa Modimo o nnile wa tiisa mantswe a lengeloi nako le nako. Ditholo, dimumu, difofu, nefuta yohle ya malwetse e nnile ya phekolwa, mme dikete-kete tsa bopaki di ngotswe ho fihla jwale. Ha ke na matla ao e leng a ka ho etsa sena...ke motho ya se nang thuso ho fihlela ke utlwa boteng ba Hae. Batho ba bangata

ba nnileng ba etela dikopano tseña ba tseba hore malwetse a bona le dibe ba nnile ba di bolellwa hantle ho tswa sethaleng. Mmadi ya ratehang, ka kopo o se ke wa utlwisa ka phoso mokgwa wa ka o tlase, o hlokang kwetliso wa ho leka ho tlisa sena sohle ho wena. Ke bua sena hore o tle o kgone ho ba le kutlwiso e hlakileng ho feta ya hore na o ka nka monyetla wa neo ya Modimo jwang. O mpoleletse hore ke tshephahale ka pelo yohle, mme le ho etsa hore batho ba dumele, mme ke seo ke lekang ho se etsa. Hopola, ha re botse bokgoni ba Modimo le ka mohla; re a tseba hore A ka etsa dintho tsohle, empa bothata ke ho fumana hore motho e mong a dumele e mong. Modimo ka dinako tsohle o na le se seng kapa motho e mong ho sebetsa ka yena, mme ke sesebediswa feela se sebediswang ke Yena. Ha ho motho ya shwang ya ka nkang thoriso ho etseng mohlolo, mme ke motho feela ya shwang. Ha ke tsebe hore na Modimo o tla ntumella nako e kae ho etsa sena, empa ka mohau wa Hae, ke ikemisetsa ho Mo sebeletsa ka makgethe ho fetisa ka moo ke tsebang ka ho sebeletsa batho ba Hae ha feela A ntse a ntumeletse ho phela.

Qetellong, ho lona ba batlang phodiso dibokeng tseña. A nke ke siye melao e mmedi ena eo o loketseng ho e latela, ho ka amohela seo seo o se lebeletseng ho Modimo.

1. O tlamehile ho dumela rekoto ena eo ke o boleletseng yona, le hore Neo ena ya Phodiso, e fanweng ke Morena Jesu Kreste, ke mokgwa oo Modimo a o hlahisitseng bakeng sa phodiso ya hao.

2. Tshepisa ho phelela Modimo ka pelo yohle ya hao bophelo bohole ba hao.

SOUTH SOTHO

©1993 VGR, ALL RIGHTS RESERVED

Voice Of God Recordings, South Africa Office

P.O. Box 178, Somerset West, 7129 Cape Province, Republic Of South Africa

[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)